

明月掛溪松松濤幾陣如雷吼靜中有動動偏閒柳瓢棕拂生  
巖間不遇真師亦快活留將鴻爪記嵩山

西遊

胸中五嶽侍全探秦岱恒嵩已過三今日更登西華去白雲開  
處望終南

關中旅寺有懷

拋別家山處處遊塞雲關月幾經秋丁公有志歸華表子晉何  
時返故邱今日渭南如旅雁去年河北似浮鷗溪泉放艇尋詩  
句兩岸風篁幾萬頭

華嶽

道藏輯要

三丰全集 古今詩類

五

續集九

巉巖大華俯全秦百二河山此地尊雲起謫仙搔首處雨過神  
女洗頭盆閒從翠嶂尋松實醉看青天枕石根我愛希夷高卧  
蹟應攜後進入玄門

扶風明月山中有清風洞過而口占

明月山頭玩明月清風洞口坐清風吟風嘯月吾將老對月聽  
風響未終

寶鷄晚行

倏爾遊秦鳳飄然到寶鷄路隨流水遠山壓暮雲低對面三峯  
立關心一榻棲結茆聊息足吾亦老礪溪

小廬題壁

陳倉山下道人家不種桑田不種麻埋姓埋名藏僻地自薪自  
汲老生涯幾重石嶂撐如虎一箇茅廬小似蝸氣健身強年已  
暮乾坤何處問丹砂

津門柳

津門柳津門柳歲歲年年絲絲縷縷長與官家綰別離能綰遊  
仙去路否一聲長嘯出天津破衲飄然不回首

洞庭晤呂純陽先生

這回相見不無緣先生訪道尋真數十年雅度翩翩吹鳳笛雄  
風凜凜佩龍泉身從海嶽來斯地手拂湖雲看遠天願學先生  
勤度世洞庭分別到西川

道藏輯要

三丰全集 古今詩類

三 續畢集九

燕趙閒遊晤邱長春遂同遊西山

天寒白日澹幽州燕市重尋舊酒樓新學瘋狂爲醉漢故交豪  
傑已荒邱駒光不似壺中日蟻命猶如水上漚我遇至人談大  
道西山晴雪共遨遊

遼陽積翠村二首

手執長弓逐鳥飛是誰知是老翁歸白楊墓上留詩句城郭人  
民半是非

紛紛景象亂如麻身世粗完早出家莫待巢危復累卵功名勢  
利眼前花